

21
CONSTITVTIO.
NES EXAMINIS GE-
NERALIS SOCIETATIS
IESV.



ROMÆ, M. D. LXX.

Apud Victorium Hælianum.

Cum facultate Superiorum.



CONSTITUTION

OF THE EXAMINERS

OF THE REVENUE

1827



ROMA, M. D. LXX.

Apud Victorium de lauro.

Conservatore de lauro.



PRIMUM AC GENE-
RALE EXAMEN IIS OM-

NIBVS, QUI IN SOCIETATE
I E S V admitti petent,
proponendum.

DE INSTITVTO SOCIETATIS
I E S V, & varietate personarum,
que in ipsa sunt.
Cap. 1.



HÆC minima Congregatio, quæ
sede Apostolica prima sui instituti-
one Societas I E S V nominata est,
primùm fuit approbata per felicitis
memoriæ Pauli Papam III. anno
1540. & per eundem postmodum 1543. confir-
mata, ac rursus per Iulium III. illius successo-
rem anno 1550. Vt interim omittantur diuersæ
litteræ Apostolicæ, in quibus de ea sermo habe-
tur, & ei variæ facultates (supposita magna appro-
batione, & confirmatione) conceduntur.

Finis huius Societatis est, non solùm salutem &
perfectionem propriarum animarum cum diuina gra-
tia vacare; sed cum eadem impensè in salutem &
perfectionem proximorum incumbere.

Ad hunc finem melius consequendum tria

A ij vota

vota in ea, Obedientiæ, Paupertatis, & Castitatis emittuntur: sic Paupertatem accipiendo, vt nec velit, nec possit reditus ullus ad suam sustentationem, nec ad quiduis aliud habere. Quod non tantum in particulari de vnoquoque, sed etiam de Ecclesijs & Domibus Societatis professæ est intelligendum. Nec etiam (quamuis alijs sit licitum) pro missarum sacrificijs, vel prædicationibus, vel lectionibus, vel ullius sacramenti administratione, vel quouis alio pio officio ex ijs, quæ iuxta suum institutum Societas potest exercere, stipendium vllum, vel eleemosynam, quæ ad compensationem huiusmodi ministeriorum dari solet, ab alio, quam à Deo (ob cuius obsequium omnia pure facere debent) possunt admittere.

Et quamuis habeat Societas Collegia, & Domos probationis redditibus dotatas ad Scholasticorum sustentationem antequam in Societate professam, vel eius Domos recipiantur: non possunt tamen huiusmodi redditus in usum alium iuxta litteras Apostolicas in Constitutionibus declaratas expendi; nec Domus Professorum, nec aliquis eorum, aut etiam Coadiutorum eisdem uti poterit.

Professæ itidem Societas præter tria vota dicta, votum facit expressum Summo Pontifici vt Vicatio qui nunc est, vel pro tempore fuerit, Christi Domini nostri, nimirum ad proficiscendum sine excusatione, non petito viatico, quocunque gentium
eius

eius Sanctitas iusserit, inter fideles vel infideles ad res, quæ ad diuinum cultum, & Religionis Christianæ bonum spectant: In omni p^o ol^o mo

- 6 Ceterum ratio viuendi in exterioribus iustas ob causas, maius Dei obsequium semper intuen-
do, communis est, nec vllas ordinarias pœnitentias,
vel corporis afflictiones ex obligatione subeundas
habet; sed illas assumere quiuis poterit, quæ sibi
videbuntur (cum approbatione Superioris), ad
maiores sui spiritus profectum conuenire, &
quas propter eundem finem Superiores eis pôte-
runt imponere.

- 7 Personarum autem, quæ admittuntur in hanc
Societatem generaliter sumptam, quatuor sunt
classes, si finem, quem ipsa spectat, intueamur: ta-
meti omnes, qui ingrediuntur, quod ad ipsos
attinet, quartæ classis esse debent.

- 8 In primis aliqui admittuntur, vt professionem
in Societate quatuor solemnibus votis (vt dictū
est) emissis faciant, peractis prius experimentis
& probationibus debitis: & hos sufficienter in
litteris eruditos (vt in Constitutionibus postmo-
dum dicitur) & in vita, ac moribus diu (quem
admodum hæc vocatio exigit) probatos, & om-
nes ante professionem sacerdotes esse oportet.

- 9 Secundæ classis sunt, qui in Coadiutores ad di-
uinum seruitium, & Societatis auxilium in rebus
spiritualibus, vel temporalibus admittuntur: &

ij quidem post experimenta & probationes, vota simplicia, Obedientiæ, Paupertatis, & Castitatis (omisso quarto ad Summum Pontificem pertinente, & alio quouis solemni) debent emittere: qui sua sorte contenti esse debent, intelligentes eos in conspectu Creatoris & Domini nostri magis mereri, qui maiori charitate se impendunt auxilio & obsequio omnium, ex amore diuinæ maiestatis, siue in rebus altioribus, siue in alijs inferioribus & humilioribus.

10 Tertiæ classis sunt, qui in Scholasticos admittuntur, si ingenio, & reliquis dotibus ad studia conuenientibus præditi inueniantur; vt postquã docti euaserint, in Societatem ingredi, & Professores, vel Coadiutores (prout iudicabitur expedire) esse valeant. Hi autem, vt Scholastici Societatis approbati censeantur, post experimenta, & probationes, eadem tria vota simplicia, Paupertatis, Castitatis, & Obedientiæ cum promissione ingrediendi Societatem in altero prius dictorum modorum (vt in Constitutionibus videbitur) ad maiorem Dei gloriam emittent.

11 Quartæ classis sunt, qui indeterminatè ad id admittuntur, ad quod idonei esse temporis successu inuenientur; nondum statuente Societate ad quem ex dictis gradibus eorum talentum magis sit accommodatum. Illi autem indifferentes ingredientur ad quemuis ex dictis gradibus, qui Superiori

periori videatur: & ex parte sua oēs (vt dictum est) eadem animi dispositione ingredi oportet.

- 12 Ad hæc antequàm quisquam admittatur ad professionem, vel simplicia vota Coadiutorū, vel Scholasticorum superius dicta secundū institutū nostrum emittere teneatur, biennium integrum ad probationē habebit; & vt admittantur Scholastici ad quēuis ex prioribus gradibus Professorū, vel Coadiutorum formatorum, vnum adhuc annum post absoluta sua studia expectabunt; quod tempus, cū Superiori visum fuerit, poterit prorogari.

- 13 Hoc medio tempore duorum annorum (in quo habitus vllas certus Societatis non sumitur) ante præfinitum tempus, in quo votis eos ligari in Societate oportet, videre vnusquisque & considerare debet diplomata Apostolica Institutū Societatis, & Constitutiones, ac Regulas, quas in ea est obseruaturus, idque non semel. Primum enim id fiet, dum in Domo primæ probationis erunt; in quam, qui Societatem ingredi volunt, hospitum more ad duodecim, vel quindecim dies, vt res suas melius considerent, solent admitti, antequàm in Domum, vel Collegium Societatis ad cohabitandum alijs, & inter eos versandum ingrediantur.

Secundò id fiet, sex mensibus experimentorum & probationis elapsis. Tertiò post alios sex men-

RECTOR

A iiij ses,

ses, & sic deinceps, donec professionem, qui studijs absolutis Professus, & tria vota qui Coadiutor, & tria itidem vota cum sua promissione qui Scholasticus approbatus est futurus, emittat; quod ideo fit, vt vtrinque maiori cum claritate, & cognitione in Domino nostro procedatur, & vt quanto fuerit magis probata singulorum constantia, tanto stabiliiores ac firmiores sint in diuino seruitio, & vocatione prima ad gloriam, & honorem diuinæ Maiestatis.

DE QVIBVSDAM CASIBVS,

quos interrogari oportet, an acciderint
ijs qui in Societatem ingredi
petunt. Cap. II.

EX IIIS casibus, de quibus honestas ob causas omnes interrogari oportet, Primus est, recessisse à gremio sanctæ Ecclesiæ, fidē abnegando, vel in errores contra ipsam sic incurrendo; vt damnatus ob aliquam propositionem hæreticam quis fuerit; vel vt suspectus hæresis per sententiam publicam declaratus; vel si infamis ob excommunicationem tanquam schismaticus, sprete auctoritate & prouidentia Sanctæ matris Ecclesiæ, extiterit.

2. Secundus est, homicidium aliquo tempore perpetrasse, vel publicè infamem propter enormia peccata

peccata fuisse.

3. Tercius est, habitum sumpsisse alicuius religionis fratrum, vel clericorum, vitam aliquandiu in obedientia cum eis agendo, siue emissa, siue non emissa professione, vel eremitam cum vestibus monachalibus fuisse.

4. Quartus est, vinculo matrimonij consummati, vel seruitutis legitimæ ligatum esse.

5. Quintus est, infirmitatē pati, vnde obscurari, vel parū sanū iudicium ei reddi soleat, vel dispositionem notabilē ad huiusmodi infirmitatem habere.

6. Prædicti casus impedimenta sunt, cum quorum aliquo nemo in Societatem admitti potest: cum nobis in domino videatur (præter alias causas) quod qui in eam sunt ingressuri ad bene & fideliter euangelizandum, & in agro Domini verbum diuinum seminandum, eo aptiora ad id instrumenta erunt, quo minus primi, & secundi defectus notam habuerint propter consuetam multitudine & communem infirmitatem.

Cum tertio, etiam non admittuntur, quod nobis in domino videatur, cum, qui bonus Christianus sit, debere firmum esse in sua prima vocatione, præsertim cum illa tam sit sancta, in qua scilicet quis, vniuerso sæculo relicto, se totū dedicat maiori seruitio & gloriæ sui Creatoris & Domini. Postremo sic nobis persuademus, præterquam quod

quòd maior sit futura ædificatio proximorum)
eo melius in Domino; ipsius gratia aspirante, cõ-
seruari posse omnes Professos, Coadiutores, at-
que Scholasticos, quo magis liberi fuerint ab hu-
iusmodi impedimentis, ac veluti vnus coloris &
similitudinis omnes. Nullus etiam admittitur
cum duobus vltimis impedimentis. Nam quar-
tum esset cum detrimento proximorum, si vxoris,
vel domini consensus non obtineretur, aliæque
circumstantiæ, prout ratio iuris exigit, obserua-
rentur. Quantum etiam in damnum esset non
mediocre ipsius Societatis.

- 7 Si aliquod ex his impedimētis in quoquam de-
tegeretur, non est quòd vltius in interrogationi-
bus procedatur; sed qui Examinatoris officio fun-
gitur, quoadeius fieri poterit, eundem consolando
dimittat; si nullū esset tale, vltius examinetur
sequenti modo.

*DE QVIBVSDAM INTER-
rogationibus ad eos, qui ingredi vo-
lunt, magis cognoscendos.*

Cap. III.

- 1 **A**D maiorem personarū notitiam aliqua sunt
interroganda, quibus verè omnino, & syn-
cerè respòdere oportet: & siquid erit, quod secre-
tum requirat, id obseruabitur, vt par erit, & in-
terrogato

terrogato placuerit. Incipiendo itaque à nomine, interrogetur primùm, Quo nomine vocetur, Quot annos natus sit, Quæ sit eius patria.

- 2 An sit ex legitimo matrimonio, nec ne: quod si ex illegitimo, quo pacto id sit, interrogetur; Num à progenitoribus iam olim Christianis, an à modernis descendat.

An aliquis ex eius progenitoribus notatus fuerit, vel declaratus ob aliquem errorem contra nostram Cristianam Religionē, & quo modo id sit.

An patrem habeat, & matrem; & quæ sint eorum nomina: Quæ conditio, & officium, & modus viuendi sit illis: & an rerum temporalium penuria premantur, an illarum commoditate potiantur, & quo pacto id habeat.

- 3 Si quo tempore in difficultatem, vel dubium aliquod incideret circa res alienum, vel quod teneatur subuenire parentibus, vel consanguineis in spirituali, vel corporali, vel quauis alia temporalī necessitate constitutis, eos inuisendo, vel alia ratione, num proprio sensu ac iudicio deposito, conscientiz, vel iudicio Societatis, vel sui Superioris id velit relinquere, vt cū statuerit ille quod in Domino iustū esse senserit, ei acquiescat.

- 4 Quot fratres & sorores habeat, & quis eorum sit status, num matrimonij, an alius; Quod officium, aut viuendi modum habeant.

- 5 Num aliquādo verba ediderit, quæ ad matrimonium

- moniu illū obligare videantur, & quō pacto id sit.
- An habuerit, vel habeat filium aliquem.
- 6 Num habeat æs alienum, aut ciuiles obligationes: quod si habeat, quantæ & quales eæ sint.
- 7 Num didicerit artē aliquam mechanicā.
- Num legere, & scribere sciat: & si scit, probetur quo modo utrūque faciat, si aliunde non sciretur.
- 8 Num habuerit, vel habeat morbum aliquem occultum, vel manifestum, & qualem; eum speciatim interrogando; num vexationem aliquam stomachi, vel capitis, vel quoduis aliud impedimentum naturāle, seu defectum in aliqua sui parte patiatur, & hoc non solum interrogetur, sed, quoad fieri potest, inspiciatur.
- 9 Num aliquos ordines Ecclesiasticos susceperit.
- Num aliquam obligationem voti habeat, quale est peregrinationis, vel aliud quodcunq;
- 10 Quem modum, vel animi propensionem habuerit in tenera ætate, & postea hucusque ad res sæ conscientie salutiferas; primū circa orationem, quoties orare solebat interdū & noctu, quibus horis, qua corporis compositione, quibus orationibus, & cum qua deuotione vel sensu spirituali.
- Quo modo se habuerit circa audiendas missas, & alia diuina officia, & conciones: Quo modo circa lectionem rerū piarū, & bonorū virorū familiaritatem: Quo modo circa meditationem,

nem, vel considerationem rerum spiritualium.

- 11 Interrogetur, an habuerit, vel habeat conceptus aliquos vel opiniones ab ijs differentes, quæ communius ab Ecclesia, & Doctoribus ab eadem approbatis tenentur; & si quando huiusmodi opiniones animū subierint, num paratus sit ad iudiciū suū submittendū, sentiendūq; , vt fuerit constitutū in Societate de huiusmodi rebus sentire oportere.
- 12 Interrogetur, an quibusuis in scrupulis, vel difficultatibus spiritualibus, vel alijs quibuscunq; , quas patiat, vel aliquando pati contigerit, se diiudicandum relinquet, & acquiescet aliorum de Societate, qui doctrina & probitate sint præditi, sententijs.
- 13 An omnino decreuerit sæculum relinquere, & consilia Domini nostri IESU CHRISTI sequi.
Quam dudum decreuerit, in genere scilicet, mundo renunciare. Postquā id apud se statuit, an in ea animi sentētia remissior factus fuerit, & quatenus. A quo tempore desideria hæc renunciandi sæculo, & cōsilia Christi Domini nostri sequendi suboriri ei cæperint, vel quibus signis, aut causis ad id mouentibus ei in mentem venerint.
- 14 Num deliberatum habeat animi propositum viuendi & moriendi in Domino cum hac, & in hac Societate IESU Creatoris & Domini nostri, & à quo tempore, vbi, & per quem primum ad id mo-

id motus fuerit.

Si negaret se à quoquam de Societate motum fuisse, progrediendum erit vltcrius : si affirmaret se fuisse motum (quamuis licitè, & cum merito moueri potuisset) ad maiorem tamen ipsius vtilitatem spiritualem fore videtur, si tempus ei aliquod præscribatur, vt ea de re cogitando Creatori & Domino suo se totum commendet; perinde ac si nullus de Societate ipsum mouisset, vt maiori cum robore spiritus procedere ad maius obsequiũ & gloriam diuinæ Maiestatis possit.

- 15 Si post huiusmodi considerationem sēserit ac iudicauerit sibi valde conuenire Societatis ingressum ad maiorem laudem & gloriam Dei, & vt melius saluti, & perfectioni tũ animæ suæ, tũ proximorum suorum incumbat; & postulauerit in eandem nobiscum in domino admitti, tunc vltcrius in examine procedi poterit.

DE REBUS QVIBVS DAM

quas præcipue scire eos conuenit,

qui in Societatem admittuntur,

ex ijs, quas in ipsa obser-

uare debent.

Cap. IIII.

- 1 **P**ROPONATUR illis, quòd hæc mens fuerit eorum, qui primi in hanc Societatem con

conuenerunt, ut in ea ij admitterentur, qui seculo renunciaſſent, & Dei ſeruitio ſe omnino mancipare ſiue in hac, ſiue in alia Religione ſtatuiffent. Quocirca quicumque Societatem ingredi uolent, antequàm in domo aliqua, uel collegio eius, uiuere ſub obedientia incipiant, debent omnia bona temporalia, quæ habuerint, diſtribuire, & renuociare ac diſponere de ijs, quæ ipsis obueneri poſſent: Eaſque diſtributio primùm in res debitas, & obligatorias, ſiquæ fuerint (& tunc, quàm citiſſime fieri poteſt, prouidere oportebit) Si uerò tales nullæ fuerint, in pia & ſancta opera fiet, iuxta illud; Diſperſit, dedit pauperibus; Et illud Chriſti; Si uis perfectus eſſe, uade, & uende omnia, quæ habes, & da pauperibus, & ſequere me: Diſpensando tamen hæc bona iuxta propriam deuotionem, & à ſe omnem fiduciam ſubmouendo eadem vllo tempore recuperandi.

- 2 Quòd ſi ſtatim propter aliquas honeſtas cauſas bona non relinquet, promittat ſe promptè relicturum omnia (vt dictum eſt) poſt vnum ab ingreſſu abſolutum annum, quandocunq; per Superiorem iniunctum ei fuerit in reliquo temporis probationis, quo completo, ante profeſſionem Profeſſi, & ante tria uota publica Coadiutores re ipſa relinquere, ac pauperibus (vt dictum eſt) diſpensare debent, ut conſilium Euangelicum, quod nō dicit; Da conſanguineis, ſed, pauperibus, perfectius

fectius sequantur; & ut melius exemplum omnibus exhibeant inordinatū erga parentes affectum extendi; & incommoda inordinatæ distributionis; quæ à dicto amore procedit, declinandi; atque ut ad parentes; & consanguineos recurrēdi; & ad inutilem ipsorum memoriam aditu præcluso; firmitus & stabilius in sua uocatione perseverent.

- 3 Si tamen dubitaretur, num maioris foret perfectionis dare uel renūciare cōsanguineis huiusmodi bona, quàm alijs, propter parem; uel maiorem ipsorum penuriam; & iustas alias ob causas; nihilominus ad declinandum errandi in huiusmodi iudicio periculum, quod ab affectu sanguinis solet proficisci, contenti esse debebunt negotium hoc arbitrio unius, duorum, aut trium, qui uita & doctrina commendentur, quos unusquisque cum Superioris approbatione elegerit, relinquare, & in eo conquiescere, quod illi perfectius & ad maiorem Christi Domini nostri gloriam esse censebunt.

Interrogetur itaque, num placeat ei statim (sicut dictum est) bona sua distribuere; uel certe, num paratus sit ad huiusmodi distributionem, quādocumq; exacto primo anno per Superiorem ei fuerit iniunctum.

- 4 Admoncantur, quod post ingressum in domum nemo pecuniam apud se, nec apud amicum aliquem

aliquem externum in eodem loco habitantem habere potest; quin potius eam in pia opera dispenseret, uel asseruandam ei tradat, cui cura huiusmodi domi commissa est; Qui quidem, quidquid unusquisq; feret, scribendum curabit; ut id sciri possit, si quando scitu opus fuerit. *Interrogentur itaque, num aliquam habeant pecuniam, & an eam dispensare (ut dictum est) sine contenti.*

- 5 Admoneantur itidem, si ecclesiastici sint, quòd postquam in Societatis corpus ut Professi, uel Coadiutores cooptati fuerint, nulla ecclesiastica beneficia possunt retinere: & quòd tempore probationis post primum annum absolutum (ut superius diximus) quandocunque Superiori uisum fuerit, ea relinquere debent iuxta suam deuotionem, uel ei, qui contulit, resignando, uel ad pia opera applicando; uel alioqui dignis uiris, quibus hæc instrumenta sint ad Dei obsequium, committeri curando. Quòd si consanguineis conferenda esse uiderentur, id non facient, nisi ab uno, duobus, aut tribus (ut superius dictum est) iudicetur, quòd id magis conueniat, & ad maius Dei obsequium sit futurum.

- 6 Cùm autem communicatio, quæ cum amicis, & sanguine iunctis uerbo, aut scripto fit, potius ad quietis perturbationem, quàm ad eorum, qui spiritui vacant, profectum, præsertim in initijs,

facere soleat; Interrogentur, num contenti sint cum huiusmodi non communicare, nec litteras accipere, nec scribere; nisi aliqua occasione Superiori aliter videretur: Et quādiu Domi fuerint, num contenti sint, vt videantur litteræ omnes & quæ ipsis scribentur, & quas ipsi alijs scribent: ei, cui huiusmodi munus commissum est, cura relicta, ut eas det, uel non det, quemadmodum in Domino nostro magis expedire iudicabit.

7 Vnusquisque eorum, qui Societatem ingrediuntur, consilium illud Christi sequendo; Qui dimiserit patrem, & cet. existimet sibi patrem, matrem, fratres, & sorores, & quidquid in mundo habebat, relinquendum: immo sibi dictum existimet uerbum illud; Qui non odit patrem, & matrem, insuper & animam suam, non potest meus esse discipulus.

ET ita curandum ei est, vt omnem carnis affectum erga sanguine iunctos exuat, ac illum in spirituale cōuertat: eosque diligat eo solū amore, quem ordinata charitas exigit, ut qui mundo ac proprio amorī mortuus, Christo Domino nostro soli uiuit, eumque loco parentum, fratrum, & rerum omnium habet.

3 Ad maiorem in spiritu profectum, & præcipue ad maiorem submissionem & humilitatem propriam interrogetur, an contentus sit futurus, ut omnes errores, & defectus ipsius, & res quæcunque

eunque, quæ notatæ in eo & obseruatæ fuerint, Superioribus per quemuis, qui extra confessionem ea acceperit, manifestentur.

Num etiam boni sit consulturus (quod & ipse, & quiuis alius facere debet) ab alijs corrigi, & ad aliorum correctionem iuuare; Ac num manifestare sese inuicem sint parati debito cum amore et charitate ad maiorem spiritus profectum; præsertim ubi à Superiore, qui illorum curam gerit, fuerit ita præscriptum, aut interrogatum, ad maiorem Dei gloriam.

- 9 Præterea antequàm quisquam in Domum, uel Collegium ingrediatur; uel postquàm ingressus fuerit; sex experimenta præcipua, præter alia multa de quibus ex parte inferius dicitur, requiruntur. Poterunt ea tamen anteponi, & postponi, & moderari, & aliquo in casu auctoritate Superioris, habita ratione personarum, temporum, et locorū, tū ceterorum, quæ occurrerint, in alia permutari.

- 10 Primum est, in spiritualibus exercitijs mēsem unum plus minus uersari, id est, tum in examinanda conscientia, & antea acta uita recogitanda, & confessione generali facienda, ac peccatorum suorum meditatione: tum in contemplatione rerum ac mysteriorum Vitæ, Mortis, Resurrectionis, & Ascensionis Christi Domini nostri; tum etiam in oratione uocali & mentali iuxta cuius-

B ij que

que caprum, prout in Domino edocti fuerint, se exercere.

11. Secundum est, seruire in vno, vel pluribus Xenodochijs per mensem alium, ibidem cibum capiendo, & dormiendo: vel per aliquam, vel plures horas quotidie pro temporum, locorum, & personarum ratione auxilium & ministerium omnibus ægris, & sanis prout iniunctum eis fuerit, impendendo: vt magis se demittant, & humiliet, ac eo veluti argumento demonstrent se prorsus ab hoc sæculo eiusque pompis ac vanitate recedere: vt omnino suo Creatori & Domino pro ipsorum salute crucifixo seruiant.

12. Tertium est, peregrinari mensem alium sine pecuniâ: immo suis temporibus ostiatim pro Christi amore mendicare; vt possint ad incommoditatem comedendi, & dormiendi assuescere: atque adeo vt omni spe illa abiecta, quam in pecunijs, & rebus alijs creatis possent constituere, integrè vera cum fide et ardenti amore eam in suo Creatore & Domino constituent. Vel utrunque mensem ministerio Hospitalium, vel alicuius eorum, aut etiam utrunque peregrinationi, prout Superiori visum fuerit, impendent.

13. Quartum est, post ingressum in domum omni cum diligentia & sollicitudine in varijs officijs abiectis & humilibus se exercere, bonum sui exemplum in omnibus exhibendo.

Quintum

- 14 Quintum est, doctrinam Christianam, uel aliquam eius partem pueros, & alios rudiores homines publice, vel priuatim, & prout occasio se obtulerit, & in domino commodius visum fuerit, & iuxta personarum proportionem docere.
- 15 Sextum est, postquam in probationibus bonæ ædificationis specimen præbuerint, ulterius ad prædicandum vel confessiones audiendas, vel in viroque se exercendum pro tempore, & loco, & omnium dispositione progredi.
- 16 Antequam ingrediantur in secundum annum probationis, quæ fit in Domibus, vel Collegijs, per sex menses omnes vacare huiusmodi sex experimentis debent, & totidem alios diuersis alijs probationibus impendent. Poterunt tamen illa sex experimenta fieri vel in totum, vel ex parte toto probationis tempore, ut aliquando hæc, aliquando illa præcedant, & à Scholasticis quidem vel studiorum tempore, vel post studia absoluta, habita personarum, locorum, & temporum ratione; prout in Domino conuenire videbitur. Illud tamen omnino obseruabitur; ut antequam Professores futuri professionem, & Coadiutores formati tria vota sua publica, licet non solemnia, emittat, duo anni experimentorum, & probationum expleantur; & Scholasticis, studijs absolutis, præter tempus, quo probantur, ut Scholastici approbati censeantur, tertius alius annus, antequam

ad professionem, vel in Coadiutores formatos admittantur, in varijs probationibus, & speciatim in dictis (si prius illis perfuncti non sunt) immo quamuis perfuncti fuerint, in nonnullis earum, ad maiorem Dei gloriam, exigetur.

- 17 Quamdiu huiusmodi experimenta & probationes fiunt; nullus dicat ex Societate se esse, sed potius qui examinatus fuerit ad Professionem, ex parte ipsius Societatis (quamuis ex parte sua cum indifferentia ad omnes gradus sit ingressus) cum loquendi occasio se obtulerit, dicere debet se in experimentis versari, atque optare se admitti in Societatem, quocunque in gradu ipsa Societas ad gloriam Deo vti volet. Si vt Coadiutor examinatus fuerit, dicet se in probationibus adhuc esse, atque optare in gradum Coadiutorum recipi. Simili modo de Scholasticis, & de alijs qui ut indifferentes examinati sunt, intelligatur: vt quisque iuxta sui examinis rationem respondeat.
- 18 Circa huiusmodi experimenta diligenter, quod sequitur, est obseruandum, scilicet; Vt, vbi aliquis in primo experimento, nempe exercitiorum spiritualium, versabitur, is, qui illum exercet, ad Superiorem referat, quid de eodem sentiat ad finem Societati præfixum.
- 19 Cum in secundo, seruiendi in Hospitalibus, asserat qui probatur, Gubernatoris testimonium, vel Præfecti eorum, qui inseruiunt Hospitali, de boni

boni nominis odore, quem in eo reliquerit.

- 20 Cum in tertio, peregrinationis, ab ultimo loco, ad quem peruenit, vel non procul ab eo testimonium ab aliquibus, vel vno certè fide digno secum ferat, quod suam deuotionem sequutus, sine vlla cuiusquam querela eò peruenit.
- 21 Cum in quarto, exercendi se in officijs domesticis humilitatis, pro testimonio erit data omnibus, qui Domi sunt, ædificatio.
- 22 Vbi verò in quinto, de doctrina Christiana, & sexto, de prædicatione, & confessionibus audientis, vel de vtroque munere obeundo versabitur; eius testimonium erit (si quidē Domi nostræ habitauerit) à domesticis accipiendum; & ex ædificatione, quam populus, vbi Dómus est, acceperit. Si prædicat, & confessiones audire acciderit alijs in locis extra huiusmodi populum; ac Dórum; testimoniū afferre debet ab huiusmodi locis, vbi diutius versatus fuerit; vel à personis publicis (præcipuam habendo rationem Prælatorum ordinariorum) quæ fidem planè faciant, quòd cum doctrina sana, ac bonæ vitæ exemplo, sine cuiusquam offensione, verbum diuinum seminauit, & officio Confessarij functus est.
- 23 Præter hæc testimonia, poterit Societas, quando id expedire videretur, curare, vt aliunde certior fiat; vt ipsa sibi magis, ad Dei & Domini nostri gloriam satisfaciatur.

- 24 Si huiusmodi testimonia in prædictis experientis non afferrentur, diligenter causa inquirenda erit, curandumque, ut rei totius veritas intelligatur; quò melius omnia, quæ convenient, prouideri possint; ut melius bonitati diuinæ, ipsius gratia aspirante, inseruiatur.
- 25 Præterea postquam domi fuerit, egredi eā sine facultate non debet: & si laycus fuerit, confiteatur oportet, & sanctissimum Sacramentum Eucharistiæ sumat octauo quoque die; nisi Confessario aliquod esse impedimentum ad communionem videretur. Si sacerdos est, confitebitur ut minimum octauo quoque die, & crebrius missæ sacrificium offeret: simul ordinationes, vel Constitutiones alias Domus (ut in eius Regulis edoctus erit) obseruabit. Omnes, qui domi sunt, in addiscenda doctrina Christiana se exercebunt, & etiam in prædicatione illi, quibus Superior domus id faciendū iudicabit; inter quos nullus erit eorum, qui in Coadiutores temporales admissi sunt.
- 26 Sui victus, potus, uestitus, & lecti rationem, si Societatem sequi uelit, cogitet fore ut pauperibus accommodatam, quodq; quæ uilissima erūt ex ijs, quæ domi sunt, ei tribuantur, propter ipsius maiorem abnegationem, & spirituales profectus; & ut ad quandā æqualitatem & ueluti mensuram ab omnibus perueniatur. Cum enim qui primi in

in Societatem conuenerunt; per huiusmodi indigentiam, ac penuriam maiorem rerum corpori necessariarum probati fuerint, qui post eos accedent; curare debent, ut eò quoad poterunt, pertingant, quò illi peruenerunt; uel ulterius etiam in Domino progrediantur.

- 27 Ad hæc, præter reliquas peregrinationes, & probationes sic declaratas, antequàm Professi suâ professionem, & Coadiutores sua uota emittant, & (si Superiorem uidebitur) Scholastici, antequàm approbati censeantur, & uota sua, ac promissionem superius dictam faciant, per triduum suis constitutis temporibus, uestigia sequendo primorum; de quibus mentionem fecimus, ostiatim pro Christi Domini nostri amore mendicare debent, ut contra quàm est communis hominum sensus, ad diuinum obsequium & laudem magis se possint submittere, magisque in spiritu proficere ad gloriam diuinæ maiestatis: ut etiam magis sint dispositi ad id ipsum faciendum: quando illis iniunctum fuerit, uel conueniens aut necessariû erit, dum per uarias mundi partes iuxta quod eis præscriptum uel cõstitutum per Summum Christi Vicarium, uel eius loco per Superiorem Societatis fuerit, discurrent: quandoquidem exigit nostræ professionis ratio, ut parati & in procinctu simus ad ea omnia, quæ quouis tẽpore in Domino nobis iniuncta fuerint, nec petendo, nec expectando

pectādo præmium ullum in præfenti hac & labili
uita, sed eam, quæ undecunque æterna est, ex
summa Dei misericordia semper sperando.

28. Et ad particularia quædam descendendo, in
probationibus humilitatis, & abnegationis sui,
& in exercēdis officijs abiectis & humilibus (cu-
iusmodi sunt, in culina seruire, domum euerrere,
& reliqua omnia seruitia obire) promptius ea su-
scipi conuenit, à quibus sensus magis abhorrebit :
si quidem iniunctum fuerit, ut in eis se exerceant.

29. Cū aliquis ad ministeria culinæ obeunda ingre-
diatur, uel ad eū iuuandū, qui Coquus est, eidē
obedire cum magna humilitate in rebus omnibus,
ad ipsius officium pertinentibus debet. Si enim ei
integram obedientiam non præstet, nec ulli ex Su-
perioribus, ut uidetur, præstaret; quandoquidē
uera obedientia nō considerat personam, cui fiat,
sed propter quem fiat : & si propter solum Crea-
torem & Dominum nostrum fiat, eidem omniū
Domino obeditur. Vnde nulla ratione considerā-
dum est, an sit Coquus, uel Superior Domus : an
hie, uel ille sit, qui iubet; quandoquidem nec il-
lis, nec propter illos (sanè intelligendo) ulla obe-
dientia præstatur, sed soli Deo, & propter solum
Deum Creatorem ac Dominum nostrum.

Idēo melius est, ut Coquus nō roget sibi infer-
uentem, ut hoc, aut illud faciat, sed cum mo-
destia iubeat uel dicat, hoc fac, uel illud; Si enim
obediens

rogat

rogat, potius ut homo hominem alloqui uidebitur: & Coquum laycū rogare Sacerdotem, ut ollas abstergat, uel res huiusmodi faciat, nec decens, nec iustum uideretur; Sed si iubeat, uel dicat, fac hoc, uel illud, significabit magis quod ut Christus homini loquitur, quandoquidem ipsius loco iubet: atque ita qui obedit, considerare ac perpendere uocem à Coquo, uel alio, qui sit ei Superior, egressam debet, ut si à Christo Domino nostro egrederetur, ut omnino placere diuinæ Maiestati possit.

31 Hoc ipsum in alijs humilibus officijs intelligatur, quando aliquis in eis ministerium suum impendit: atque eodem modo accipiat in officiis subordinatis qui accepta à Superiori auctoritate Domum gubernant.

32 Ægritudinis tempore non solum obseruare unusquisque obedientiam magna cum puritate debet erga Superiores spirituales, ut ipsius animā regant: sed cum eadem humilitate erga Medicos corporales, & infirmorum præfectos, ut corpus eius regant; quandoquidem illi plenam ipsius sanitatem spiritualem, hi uero corporalem omnino curant. Præterea qui ægrotat, humilitatem & patientiam suam præferendo non minorem ædificationem, dum morbo laborat, ijs, qui ipsum inuisent, & cum eo uersabuntur & agent, quam dum ualebat corpore, ad maiorem Dei gloriam, præ-

præstare curet.

33 Ad maiorem firmitatem omnium, quæ sic narrata sunt, & ad maiorem spirituales profectum eius, qui examinatur; interrogetur, an omnino obedientem se exhibere in omnibus, quæ hic dicta & declarata sunt, velit, subeundo & adimplendo quasvis pœnitentiâs; quæ propter defectus, & negligentiam suam, uel quiduis aliud fuerint iniunctæ.

34 Re in Domino considerata, uisum nobis est in diuinæ Maiestatis conspectu mirum in modum conferre, ut Superioribus subditi omnino perspecti sint: quò melius regi & gubernari, & per eos in uiam Domini dirigi possint.

35 Præterea quâto exactius Superiores res omnes internas, & externas suorum nouerint; tanto maiori cum diligentia, amore, & sollicitudine iuuare eos, ipsorumque animas à uarijs malis & periculis, quæ in progressu possent accidere, conseruare poterunt. Cum etiam semper parati esse iuxta nostræ professionis rationem, & procedendi modum ad discurrendum per has & illas mundi partes debeamus; quandocumq; per summum Pontificem, uel Superiorem nostrum immediatum fuerit nobis iniunctum: Ut melius secundum Dei uoluntatem huiusmodi missiones fiant, his & non illis mittendis, uel his ad hoc munus, illis uerò ad alia, non solum refert ualde, sed summo opere, ut

re, ut Superior plenam habeat notitiam propēſionum ac motionum animi, & ad quos defectus uel peccata fuerint uel ſint magis propēſi & incitati, qui ſub eius cura ſunt; ut eius rei habita ratione, melius ipſos dirigere poſſit; nec ſupra mēſuram uirium ſuarū in periculis uel laboribus grauioribus, quā in Domino ferre ſuauiſter poſſint, conſtituat; & etiam ut quæ audit, ſub ſecreti ſigillo cuſtodiendo, melius Superior poſſit ordinare ac prouidere, quæ corpori uniuerſo Societatis conueniunt.

- 36 Ideo quicumque hanc Societatem in Domino ſequi uolet, & in eadem ad maiorem Dei gloriam manere, priuſquā ad primam probationē accedat; uel poſtquā ingreſſus fuerit, antequā generaliter examinetur, uel poſt examē, intra aliquot meſes (ſi Superiori differendū uideretur) ſub ſigillo cōfeſſionis, uel ſecreti, uel quacunq; ratione ei placuerit, & ad maiorem ipſius conſolationem fuerit, debeat conſcientiam ſuam magna cum humilitate, puritate, & charitate manifeſtare, re nulla, qua dominum uniuerſorum offenderit, celata: & totiuſ anteaſtæ uitæ rationem integram, uel certè rerum maioris momenti Superiori, qui tum fuerit, Societatis; uel cui ex Præpoſitis, uel alijs ex inferioribus ille iniungeret, prout magis conuenire uideretur, reddat; ut melius omnibus in Domino proſpiciatur, ipſeque magis in ſpiritu

spiritu cum gratia uberiori ad maiorem diuinæ bonitatis gloriam proficiat.

37 Sic igitur progredientes in gratiæ atque spiritus incremento, plenoque cum desiderio ingrediendi, & perseverandi, quamdiu uixerint, in hac Societate, tantundē facient aliquoties antequam ad professionem qui Professi, & ad sua uota qui Coadiutores formati sunt futuri, admittantur, & id, quo sequitur, modo.

38 Postquam primò aliquis eorum integram uitæ rationē Superiori Domus reddidit, ab eodem die inchoando, prioribus, quæ eidem dixit, non repetitis, iterum post semestre proximum plus minus ei, vel cui à Superiore fuerit constitutum, uitæ rationem reddet. Deinde à secūda hac ratione incipiendo, eodem ordine procedetur; & sexto quoque mense rationem hanc sui quisque reddet. Ultima vero circiter triginta dies antequam Professi futuri suam professionem, & Coadiutores sua uota emittant, reddetur.

39 Scholastici eodem modo procedent, præterquam quòd absolutis suis studijs cum primùm rationem uitæ suæ reddent, ab ultima, quam reddiderunt in Domo, unde ad studia missi sunt, uel ab initio uitæ, si aliqua de causa nunquam reddiderunt, incipient.

40 Sic etiam uidetur, quòd Coadiutores formati, & Professi, si alicubi agent, ubi Præpositi alicuius Socie-

Societatis obedientiæ subiaceant, singulis annis, uel crebrius, si Præposito uidebitur, suæ conscientiae rationem dicto modo ab ultima, quam reddiderunt, incipiendo, ei reddant.

- 41 Qui senserit ad omnia, quæ dicta sunt, animū, ac uires sibi à Domino dari, ac ad maiorem Dei gloriam fore, suæque animæ magis salutiferum iudicat in corpus huius Societatis admitti, præter litterarū Apostolicarum, & Constitutionum, & reliquorum, quæ ad eius institutum pertinent, ipso initio, ac postea sexto quoque mense, ut dictum est, considerationem, debet generalem uitæ totius confessionem apud aliquem Sacerdotem à Superiore assignatum propter multiplicem spiritus utilitatem, quæ ea in re deprehenditur, facere. Quod si aliquando generaliter confessus fuerit alicui de Societate uel in exercitijs spiritualibus, uel extra illa: satis erit generalem confessionem ab alia etiam generali ad id usque tempus inchoari, & post eam sacratissimū Christi Domini nostri corpus sumere; & sic sexto quoque mense eodem modo generaliter, ab ultima inchoando, confitebitur. Deinum continuū puritatis ac uirtutū augmentū, & inflāmata in Dño desideria multum in hac Societate diuinæ Maiestati seruiēdi procurando. Exactis duobus annis probationis, & se per petuo obedientē exhibendo, & in sua cōuersatione, & uarijs experimentis ædificationē præbendo, ac pœni-

ac pœnitentias pro erratis, & negligentijs, & defectibus iniunctas magna cū humilitate subeundo, si & ipse, & Societas, vel Superior domus contenti fuerint, in Societatis corpus admitti poterit, consideratis prius litteris Apostolicis & Constitutionibus, & cōfessione generali peracta, ut superius est dictum; quam ut melius instituat, seseque in sua prima deliberatione confirmet, per unius hebdomadæ spatium se colligendo, & aliqua spiritualia exercitia ex iam factis, uel alijs, faciendo; postremò suam oblationem, ac uota, siue solemnita sint in Professis, siue simplicia in Coadiutoribus, & Scholasticis, quemadmodum in Constitutionibus declarabitur, ad maiorem Dei gloriam vberioremq̃ fructum animæ suæ emittat.

- 42 Admoneantur, quòd, votis huiusmodi emissis, iuxta tenorem litterarum Apostolicarū, non possint ipsi ad alias Religiones sine facultate à Superiore Societatis concessa transire.
- 43 Quod si exacto probationis tempore, contentus quidem ipse est, & exoptat sic ad professionē, uel in Coadiutorem, uel in Scholasticum admitti; uerūm dubitaret Societas de ipsius talento, uel moribus; securius erit in alium annum, uel tempus, quod uidebitur, id prorogari: donec utrique parti plenè in domino sit satisfactum.
- 44 Præterea diligenter animaduertant oportet, qui examinantur (magnificiendo, summiq̃ momenti

momenti id esse ducendo in conspectu Creatoris ac Domini nostri) quantopere iuuet ac conferat ad vitæ spiritualis profectum, omnino, & non ex parte abhorrere ab omnibus, quæ mundus amat, & amplectitur; & admittere, & concupiscere totis viribus quidquid Christus Dominus noster amauit, & amplexus est. Quemadmodum enim mundani homines, quæ ea, quæ mundi sunt, sequuntur, diligunt, & quærunt magnam cum diligentia, honores scilicet, famam, magni nominis existimationem in terra, sicut inuadit eos edocet: sic qui procedunt in spiritu, & seruo Christum Dominum nostrum sequuntur, amant & ardent exoptant quæ ijs omnino contraria sunt, indui nimirum eadem veste, ac insignibus Domini sui, pro ipsius amore ac reuerentia; adeo, ut si sine offensione vlla diuinæ Maiestatis, & absque proximi peccato foret; vellent contumelias, falsa testimonia, & iniurias pati, ac stulti haberi & existimari (nulla tamen ad id per eos data occasione) eo quod exoptant assimilari, ac imitari aliquo modo Creatorem ac Dominum nostrum **I E S V M** Christum, eiusque vestibus & insignibus indui: quandoquidem illas ipse propter maiorem profectum nostrum spirituales induit, nobisque exemplum dedit, ut in omnibus, quoad eius fieri poterit, diuina gratia aspirante, eum imitari & sequi, cum vera sit via, quæ ducit ho-

mines ad vitam, velimus. Igitur interrogentur, an huiusmodi desideria tam salutaria, & ad perfectionem animarum suarum tam fructuosa in se sentiant.

45 Quod si quis propter humanam nostram debilitatem ac miseriam, in se huiusmodi tam inflammata in Domino desideria non sentiret; interrogetur an certè desiderium in se sentiat, huiusmodi desideria sentiendi. Si affirmando responderit, optare se nimirum huiusmodi tam sancta desideria animo concipere; quò melius ad eorum effectum perueniatur, interrogetur an decreuerit, paratusque sit huiusmodi iniurias, illusiones, & opprobria in Christi insignibus inclusa, & alia quævis, quæ ei inferrentur siue per quemuis ex domo, vel Societate (in qua obedire, & humiliari, ac æternam beatitudinem consequi exoptat) siue extra eam per quemuis viuentium, nulli malum pro malo, sed bonum pro malo reddendo, admittere; & patienter cum Dei gratia ferre.

46 Vt melius ad hunc perfectionis gradum in spiritali vita tam preciosum perueniatur, eius maius ac impensius studium sit, quærere in Domino maiorem sui abnegationem, & continuam in rebus omnibus, quoad poterit, mortificationē. Nostrum autem erit in eisdem iuxta gratiam, quā Dominus nobis conferre ad suam maiorem laudem

dem ac gloriam dignabitur, cum iuuare.

*DE ALIO EXAMINE AD
particularia aliquanto magis descendente,
quod eruditis, & Coadiutoribus spi-
ritualibus, & Scholasticis con-
uenit. Cap. V.*

QVO melius intelligi, atque cognosci que-
ant, quæ ad huiusmodi homines spectant :
vnusquisque eorum interrogetur ; Vbi studuerit ;
Qua in facultate ; Quibus autoribus ac doctri-
næ deditus ; Quantū temporis studijs impende-
rit ; Quantumque suo iudicio profecerit ; ac no-
minatim, Quàm sit ei familiaris Latina lingua.

2 An ad gradus Artium liberalium, vel Theolo-
giæ, vel Iuris Canonici, vel alterius cuiusvis fa-
cultatis sit promotus.

3 An existimet se memoria ad bene capiendum,
& retinendum quod didicerit, esse præditum.

An sibi videatur pollere intellectu, qui citò,
ac bene penetret ea, quibus studuerit.

An in se propensionem naturalem, aut volun-
tariam ad studia sentiat.

4 An existimet studia sanitati sui corporis ali-
quid detrimenti attulisse.

An vires sibi corporales, & spirituales suppe-
tere sentiat ad labores, qui in Societate requirū-

C ij tur,

tur, ferendos, siue in studijs, quamdiu illis vacat, siue in vinea Domini, cum in ea laborandum est.

¶ Si Sacerdos fuerit, An se in audiendis confessionibus, vel in prædicatione, vel alijs ministerijs ad proximum iuuandum exercuerit.

¶ Cum ad huiusmodi officium ac ministeriũ diuini verbi seminandi, & spirituali proximorum auxilio attendendi litterarum bonarum sufficiens eruditio requiratur, & Scholasticos etiam aliquod sui profectus in litteris, quibus studuerunt, specimen præbere oporteat; omnes examinentur. Quod fiet, si quisque lectionem vnã in quauis facultate, cui operam dederit, prælegat: & postea exhortationem vnã quisque (idque ante egressum à prima probatione) faciat; & postea in secundam ingrediendo, si ei fuerit iniunctum, vt inferius dicitur, hoc ipsum faciet.

¶ Præterea intelligat (si Sacerdos est, vel quandoque promotus ad sacerdotium fuerit) quòd confessiones nec domi, nec foris audire, nec vlla Sacramenta ministrare sine peculiari probatione, ædificatione, & facultate sui Superioris per totũ probationis tempus debet. Sed nec publicè missam dicere debet, donec coram aliquo, vel pluribus domesticis priuatim eam dicat, & admonetur, vt in modo dicendi conueniat cum alijs de Societate, inter quos agit; & se ad ædificationem eorum,

eorum, qui illam sunt audituri, componat.

*AD MAIOREM HUMILI-
tatem & perfectionem eruditorum,
Coadiutorum spiritualium, &
Scholasticorum.*

SI de eo, qui in Societatem est ingressurus, du-
bitatur, an idoneus sit futurus, vt ad professio-
nem, vel in Coadiutorem spirituales, uel Scho-
lasticum eius admittatur: cum id tanquam cer-
tissimum statuatur, quod multo melius & perfe-
ctius sit, vt ipse iudicari & regi se à Societate si-
nat; quandoquidem non minus, quam ipse,
quod exigitur, ut in ea maneat, Societas intelli-
get; ipsi uerò maiori humilitati, & perfectioni
tribuetur; maioremque dilectionem, ac fiduci-
am in his, à quibus est gubernandus, ostendet;
Interrogetur, an velit proprium sensum, ac iu-
dicium Societati submittere, vel eius Superio-
ri, ita, ut acquiescat eius sententiæ; siue inter
eos illum constituat, qui in Societate professio-
nem emittunt, & Christi Domini nostri Vicario
obligantur; siue inter Coadiutores; siue inter
Scholasticos Societatis, in studijs ulterius pro-
grediendo. Interrogetur ulterius; si Superior
vellet semper eundem solum vt Coadiutorem in
rebus exterioribus Societatis curandis occupari,

C iiij ac sic

ac sic in suæ animæ salutem incumbere; An paratus sit in humilibus & infimis officijs se exercere, vitamque omnem in vtilitatem & auxilium eius exigere; sibi persuadendo, quòd dum ei inseruit, Creatori ac Domino suo (pro cuius amore, & debita reuerentia omnia facit) inseruit.

DE ALIO EXAMINE AD

solos Coadiutores accommodato.

Cap. VI.

AD maiorem rei notitiam declaretur vnicuique ex huiusmodi Coadiutoribus latius quòd in initio attingebatur; Quòd scilicet in hanc Societate Coadiutores spirituales, & temporales admittuntur: Spirituales quidem, qui Sacerdotes sunt, & litteris sufficienter ornati, ut in rebus spiritualibus Societatem iuuent: Temporales verò ad sacros ordines non promoti cum litteris, vel sine illis, in rebus externis, quæ necessariae sunt, possunt iuare.

Priorum magis proprium est, Societatem in audiendis confessionibus, in exhortationibus, in doctrina Christiana, & alijs litteris edocendis iuare; His vero eadem gratiæ ad animarum auxilium communicari possunt, quæ Professis ipsis solent.

Posteriorum magis est proprium (licet possint in rebus

in rebus maioribus pro talenti eis à Domino concessi ratione occupari) vt in ministerijs omnibus inferioribus & humilioribus, quæ ipsis iniungentur, se exerceant; persuasi quòd Societatem iuuando, quòd melius illa saluti animarum vacare possit, eidem omnium Domino seruiant: quandoquidem propter diuinum ipsius amorem ac reuerentiam id faciunt. Ideo prompti esse cum omni humilitate, & charitate, quoad fieri poterit, debent ad officia, quæ eis credita fuerint, exactè obeunda. Quo fiet, ut non solùm mercedem suam integram habeant, sed participes sint omnium bonorum operum, quæ Deus per vniuersam Societatem ad obsequium & laudem suam operari dignabitur, & omnium indulgentiarum, & gratiarum, quæ Professis ad suarum animarum bonũ à sede Apostolica concessæ fuerint.

- 4 Et nihilominus eniti debent in colloquijs spiritualibus ad maiorem vtilitatem spiritualem proximorũ aliquid conferre, & quod nouerint, docere; & ad bene agendum, quoscunque poterunt (quandoquidem vnicuique Deus proximi sui curam dedit) excitare.

- 5 Siquis instructus & examinatus fuerit, ut sit futurus spiritualis Coadiutor, sic vacare debet rebus spiritualibus, quæ cum sua prima uocatione propriè sunt coniunctæ, ut in posterum directè, uel indirectè per se, uel alium innouare, aut

mutationem aliquam à sua vocatione in aliam; scilicet à gradu Coadiutoris spiritualis ad Professi, uel Scholastici, uel Coadiutoris temporalis gradum, tentare non debeat: sed cum omni humilitate, atque obedientia incedere ac progredi eadem uia, quæ ipsi ab eo, qui nescit mutationē, & in quem illa non cadit, ostensa est.

- 6 Eadem ratione si quis examinatus, & instructus fuerit, ut sit futurus Coadiutor temporalis, sic se totum rebus, quæ cum sua prima uocatione propriè sunt coniunctæ, addicat; ut non curet ulla ratione à statu Coadiutoris temporalis in statum spiritualis, uel Scholastici, aut Professi progredi; Nec etiam (si in suo eodem maneat) plus litterarum addiscere, quàm sciebat, cum est ingressus, curet: sed perseuerare magna cum humilitate debet in omnibus, Creatori ac Domino suo iuxta primam suam vocationem inseruendo, ac sollicitè in abnegationis sui ipsius profectum, & verarum virtutum studiū incumbendo.

- 7 Interrogētur huiusmodi, vt de re propria suæ vocationis, An contenti, & quieti sint futuri in obsequio Creatoris & Domini sui in officijs ac ministerijs abiectis et humilibus ad auxiliū Domus & Societatis pertinentibus, cuiuscunque rationis illa sint, parati ad vitam omnem in eis exigendam; sibi persuadendo quòd ea in re obsequium, et laudem præstant suo Creatori & Domino,
dum

dum omnia propter diuinum ipsius amorem & reuerentiam agunt.

- 8 Omnes Coadiutores tã spirituales, quàm temporales exacto biennio, quod experimentis & probationibus datur; & vno adhuc anno, si Scholastici fuerint (vt prius est declaratum) si velint in Societate manere, & ipsa, vel Superior eius cõtentus fuerit, oblationem suam triũ votorum facient (quæ publica, licet non solemnia sint, iuxta litteras Apostolicas Iulij III) Obedientiæ, Paupertatis, & Castitatis, vt initio diximus; Et exinde Coadiutores formati vel spirituales, uel temporales censendi sunt, ita, vt ex parte ipsorũ ligati ad semper uiuendũ & moriendum in Domino in hac Societate, ad maiorem diuinæ Maiestatis gloriam, maiusque meritum & stabilitatem propriam, manean. Nihilominus Societas, vel eius Superior, qui commune bonum debet intueri, cùm eorum opera ad maius Dei obsequium se non iuuari, sed contrà potius accidere cerneret, eos dimittere, & à sua congregatione separare potest; & tunc illi omnino liberi, nulloque voto obstricti remanent.

DE ALIO

DE ALIO EXAMINE SCHOLASTICIS accommodo, ac in primis antequàm in Scholasticos admittantur.

Cap. VII.

1 CVM experimentis & probationibus prædictis absolutis, Scholastici conuenire sibi iudicarent studendi gratia in Collegijs, vel Domibus Societatis, vt in eis in Domino substantentur, litteris operam dare: si Societas, vel eius Superior contentus etiam fuerit; antequàm ad studia se conferant, vel dum in eisdem manebunt, ob suum maius meritum ac stabilitatem vota simplicia Paupertatis, Castitatis, & Obedientiæ, ac promissionem, quòd studijs absolutis in Societatem ingredientur, Deo ac Domino nostro facient. Sic autem intelligendus est huiusmodi ingressus, vt professionem, vel vota Coadiutorum formatorum (si Societas eos admittere volet) emittant; & exinde Scholastici approbati Societatis censeantur. Libera tamen manebit Societas, nec tenebitur ad eos admittendos ad professionem, nec in Coadiutores formatos, si studiorum tempore malè se gererent, adeo, vt Superior Societatis existimaret Deo gratum non fore, si in eam admitterentur; & tunc ipsi etiam suis votis soluerunt.

2 Si quando studiorum tempore, qui maiorem
ad ea

ad ea propensionem animi præferulerunt, quam ad aliud in Societate ministerium; ostenderent, ac certum indicium præberent, vnde Societas, vel eius Superior in Dominò sentiat eos idoneos non esse, vt in eruditos viròs euadant, eo quòd ingenio, vel sanitate corporis destituantur, vel alijs defectibus laborent, interrogentur, An patienter se dimitti a Societate, dum ab omni voto ac promissione liberi maneant, sint laturi.

Qui ad studia litterarum idoneus inuenietur, interrogetur, An velit se duci sinere circa ea, quibus studere debeat, ac studiorum modum & tempus, iuxta quod Societati, vel eius Præposito, aut Collegij, vbi daturus est litteris operam, Superiori, videbitur.

An contentus futurus sit eodem, atque alij, modo, ibi agere; nullisque priuilegijs aut prærogatiuis minimum omnium, qui in Collegio fuerit, antequam; omnem sui curam Superiori Collegij, relinquendo.

An statuerit omnino apud se, studijs absolutis, ac probationibus peractis, Societatem ad viuendum in ea, & moriendum, ingredi, ad maiorem Dei gloriam.

Sic examinatus, & instructus se accingere incipiet, ut ad studia se conferat, vel ea prosequatur, paratus interim in eisdem studijs, alijs experimentis & probationibus varijs exerceri, quibus si non

si non fuerit propter causas aliquas legitimas, ac sine aliquo bono præ oculis habito, antequam ad studia mittatur, perfunctus; eis confectis, omnia experimenta & probationes superius declaratas subibit.

PRO SCHOLASTICIS, QUI
studia iam absoluerunt.

- 7 SCHOLASTICI studijs iam confectis, antequam in Societatem, uel eius Domos ingre-
diantur, ut in eadem ad omnimodam Obedien-
tiam, ac communem uiuendi in Domino modum
admittantur, generatim interrogandi sunt, An
firmi in sua deliberatione, & uotis ac promissione
Deo oblatis antequam ad studia se cõferrent, vel
in eisdem, si quidem admissi primò fuerint in
Collegijs, permaneant.
- 8 Interrogentur etiã, & examinentur particula-
tim eisdem interrogationibus & examine, quo pri-
usquam ad studia mitterentur, interrogati fue-
runt: ut Superioribus memoria ac notitia eorum
renouetur, ac melius pleniusque stabilitas, &
constantia, vel etiam mutatio, si aliqua accidisset
in rebus primò interrogatis & affirmatis, cogno-
scatur.

DE ALIO

DE ALIO EXAMINE

*indifferentibus accommodo.**Cap. VIII.*

■ AD maiorem illius notitiam, qui ut indifferens examinandus est, ut omni ex parte, cum maiori cognitione et luce in Domino procedatur, instruendus idem erit, & admonendus, quòd nullo tempore nec ratione potest, nec debet pretendere, nec tentare directè, nec indirectè potius hunc, quam illum gradum in Societate; nimirum non potius Professi, vel Coadiutoris spiritualis, quàm Coadiutoris temporalis, vel Scholastici: Quin potius perfectæ humilitati, ac Obedientiæ locum dando, omnem sui ipsius curam, & ad quod officium, uel gradum sit eligendus, suo Creatori & Domino, ac eius nomine, & pro ipsius amore ac reuerentia ipsimet Societati, vel eius Superiori debet relinquere.

■ Postquam sic fuerit admonitus; interrogetur, An se omnino sentiat indifferentem, quietum, & paratum ad inseruiendum Creatori ac Domino suo in quouis officio, uel ministerio, quod ei Societas, uel eius Superior commiserit. Interrogetur etiam, si Societas, uel eius Superior illum vellet vacantem quidem animæ suæ saluti ad officia tantum inferiora & humilia semper applicare, an se paratum sentiat ad vitam omnem in huiusmodi officijs

officijs inferioribus & humilioribus in auxilium
ac ministerium Societatis exigendam; existimâdo,
quòd ea in re obsequium & laudem præstat Crea-
tori suo ac Domino, dum omnia ob ipsius amo-
rem & reuerentiam agit.

3. Cùm omnino ei placuerint omnia in Domino,
quæ dicta sunt: instrui poterit, & examinari de
reliquis iuxta aliquod examen ex prædictis, vel
omnia illa; prout magis conuenire videbitur; ut
utrique parti in omnibus satisfiat, ac maiori
cum claritate procedatur. Quandoqui-
dem omnia instituta & ordinata
sunt ad maius obsequium, &
laudem Dei & Do-
mini nostri,

FINIS.

L A V S D E O.